

ZAPISNIK
SA IX ON LINE SJEDNICE UPRAVNOG ODBORA UDRUŽENJA POSLODAVACA U FBiH
održane dana 09.07.2026. godine (četvrtak)
sa početkom u 10 sati

Na sjednici su prisustvovali: Nihad Imširović, Jasmin Zulčić, Katarina Kafadar, Nagib Mujkić, Mahmut Galijašević, Adem Hanić, Zijo Tanjo, Edin Emšo, Bahrija Huseinbegović i Mujo Hasić.

Sjednici su po ovlaštenju prisustvovali: Ramiz Mušić (po ovlaštenju Senada Džambića), Boris Bošnjak (po ovlaštenju Damira Vidačka) i Tina Čavar (po ovlaštenju Ladislava Bevande).

Na sjednici nisu prisustvovali: Haris Ćoralić, Salih Lemeš, Berina Bajrović, Bariša Šušnjar, Džemal Hasković, Samir Mustafić, Tomislav Vrdoljak i Igor Marković koji su opravdali svoj izostanak.

Na sjednici su pored članova UO prisustvovali i članovi ESV-a za teritoriju FBiH kao i predsjednik UO KS Suhad Ećo.

Ispred UP FBiH sastanku su prisustvovali: Mario Nenadić, direktor, Mersiha Jusić, sekretar i Amra Duvnjak Halilovi, pravnica.

Sjednicu je otvorio Nihad Imširović, predsjednik Upravnog odbora Udruženja poslodavaca i predložio sljedeći:

DNEVNI RED

1. Usvajanje zapisnika sa VIII proširene sjednice Upravnog odbora UPFBiH;
2. Realizacija zaključaka sa XIII sjednice Ekonomsko-socijalnog vijeća za teritoriju Federacije Bosne i Hercegovine održane 01.06.2026. godine, a u vezi sa Inicijativom Saveza samostalnih sindikata BiH za pokretanje postupka za vođenje pregovora, usaglašavanja i potpisivanja Općeg kolektivnog ugovora;
3. Donošenje Odluke o imenovanju predstavnika Udruženja poslodavaca u Federaciji Bosne i Hercegovine u Koordinacioni odbor za izradu Strategije razvoja Federacije Bosne i Hercegovine do 2034. godine;
4. Tekuća pitanja
 - Informacija o planiranoj obuci za primjenu Zakona o zaštiti ličnih podataka.

Predloženi dnevni red jednoglasno je usvojen.

Tačka 1. Usvajanje zapisnika sa VIII proširene sjednice Upravnog odbora UPFBiH

Predsjedavajući je otvorio prvu tačku dnevnog reda i prisutnima dao zapisnik sa VIII proširene sjednice Upravnog odbora UPFBiH na razmatranje.

Nakon provedene rasprave, Upravni odbor je jednoglasno donio sljedeći:

Zaključak:

Usvaja se Zapisnik sa VIII proširene sjednice Upravnog odbora Udruženja poslodavaca u Federaciji Bosne i Hercegovine, bez primjedbi.

Tačka 2. Realizacija zaključaka sa XIII sjednice Ekonomsko-socijalnog vijeća za teritoriju Federacije Bosne i Hercegovine održane 01.06.2026. godine, a u vezi sa Inicijativom Saveza samostalnih sindikata BiH za pokretanje postupka za vođenje pregovora, usaglašavanja i potpisivanja Općeg kolektivnog ugovora

Predsjednik Udruženja upoznao je članove Upravnog odbora sa zaključcima sa XIII sjednice Ekonomsko-socijalnog vijeća za teritoriju Federacije Bosne i Hercegovine održane 01.06.2026. godine, na kojoj je razmatrana inicijativa Saveza samostalnih sindikata Bosne i Hercegovine za pokretanje postupka pregovora radi zaključivanja Općeg kolektivnog ugovora za teritoriju Federacije Bosne i Hercegovine.

Nakon rasprave, Upravni odbor je jednoglasno donio sljedeće:

Zaključke:

A.d. 2. 1. Upravni odbor konstatuje da je, u skladu sa odredbama čl. 138. i 139. Zakona o radu ("Službene novine Federacije BiH", broj: 26/16, 89/18 i 44/22), prije donošenja odluke o prihvatanju inicijative i imenovanju pregovaračkog tima potrebno da ugovorna strana koja pokreće inicijativu pripremi Nacrt Općeg kolektivnog ugovora za teritoriju Federacije Bosne i Hercegovine, koji će predstavljati osnov za vođenje pregovora.

A.d. 2.2. Zadužuje se Stručna služba Udruženja poslodavaca u Federaciji Bosne i Hercegovine da uputi dopis Ekonomsko socijalnom vijeću za teritoriju FBiH kojim će zatražiti dostavljanje Nacrta Općeg kolektivnog ugovora za teritoriju Federacije Bosne i Hercegovine, u skladu sa članom 139. Zakona o radu.

A.d. 2.3 Nakon dostavljanja Nacrta Općeg kolektivnog ugovora, Upravni odbor će razmotriti njegov sadržaj, zauzeti zvaničan stav o pokrenutoj inicijativi te, ukoliko budu ispunjeni zakonski i drugi neophodni uslovi, donijeti odluku o imenovanju pregovaračkog tima sa jasno definisanim mandatom za vođenje kolektivnih pregovora.

A.d. 2.4. Zaključuje se da će se, po prijemu Nacrta Općeg kolektivnog ugovora od strane Saveza samostalnih sindikata Bosne i Hercegovine, sazvati nova sjednica Upravnog odbora Udruženja poslodavaca u Federaciji Bosne i Hercegovine radi donošenja odluke o daljim aktivnostima i nastavku postupka.

Tačka 3. Donošenje Odluke o imenovanju predstavnika Udruženja poslodavaca u Federaciji Bosne i Hercegovine u Koordinacioni odbor za izradu Strategije razvoja Federacije Bosne i Hercegovine do 2034. godine

Predsjedavajući je upoznao članove Upravnog odbora sa zahtjevom za imenovanje predstavnika Udruženja poslodavaca u Federaciji Bosne i Hercegovine u Koordinacioni odbor za izradu Strategije razvoja Federacije Bosne i Hercegovine do 2034. godine.

Nakon rasprave, Upravni odbor jednoglasno je donio sljedeću:

Zaključak:

A.d. 3.1. UO je jednoglasno donio Odluku kojom je za predstavnika Udruženja poslodavaca u Federaciji Bosne i Hercegovine u Koordinacioni odbor za izradu Strategije razvoja Federacije Bosne i Hercegovine do 2034. godine imenuje Mario Nenadić, direktor Udruženja poslodavaca u Federaciji Bosne i Hercegovine – član i Mersiha Jusić, sekretar Udruženja poslodavaca u Federaciji Bosne i Hercegovine – zamjenski član.

Zadužuje se Stručna služba Udruženja da o donesenoj odluci obavijesti nadležni organ i dostavi potrebnu dokumentaciju.

Ad.4. Tekuća pitanja

Pod tekućim pitanjima raspravljalo se o:

- Informacija o planiranoj obuci za primjenu Zakona o zaštiti ličnih podataka

Amra Duvnjak je informisala članove Upravnog odbora o planiranoj stručnoj obuci posvećenoj primjeni Zakona o zaštiti ličnih podataka, koja je namijenjena članicama Udruženja s ciljem pružanja praktičnih smjernica za pravilnu primjenu zakonskih obaveza, upoznavanja sa novinama u zakonodavnom okviru, kao i ukazivanja na odgovornost pravnih lica i moguće posljedice neusklađenosti sa propisima.

Članovi Upravnog odbora primili su informaciju k znanju i podržali organizaciju navedene obuke.

Zaključak

Upravni odbor prima k znanju informaciju o planiranoj obuci za primjenu Zakona o zaštiti ličnih podataka i daje podršku njenoj organizaciji.

Kako nije bilo drugih pitanja za raspravu, predsjedavajući je zaključio sjednicu.

Zapisnik sačinila:



UDRUŽENJE
POSLODAVACA

www.upfbih.ba

Mersiha Jusić

Sjednica je završena u 14:00h.

Zapisnik sačinila:

Mersiha Jusić

PREDSJEDNIK UO

Nihad Imširović

Udruženje poslodavaca u Federaciji BiH

Maršala Tita br.6, 71000 Sarajevo - Bosna i Hercegovina

Tel: +387 33 552 460 / Tel/fax: +387 33 552 461 / info@upfbih.ba